

悅
親
樓
詩
集

悅親樓詩集卷三 起乙酉訖丁亥

海寧祝德麟止堂

古今體詩六十六首

寄夢樓臨安雷峯武昌

尺素殷勤託羽翰
滇雲楚雨寄教看
碧鷄關外猿應苦
黃鶴樓中笛亦酸
萬里傷心分手易
百年知己到頭難
冰廳月照紅梨樹
花影垂垂過曲欄

移居接葉亭四首

鳳城街巷僦居頻
寸草階除不放春
一畝爲園堪小隱
十年種樹爲何人
偶探勝蹟懷前輩
亭爲湯西崖
少宰故居難得
幽棲遠市塵
食指無多家具少
本來新進易謀身

懷清遺集句深雄文采風流更孰同人以壺觴來此地

天教香葉待詩公

香葉密待詩公之句文官果樹至今

猶存爽鳩樂事消磨後振鷺清標想像中

黃崑圖先生懷清堂集序中語

翛然若白圭振草木至今爭愛惜閱他多少寄居蟲

喬林翳鬱竹檀欒客裏真宜借景看薨兔自營三窟狡

鷦鷯惟覓一枝安晨興絜膳華趺靚晏坐吟詩石骨寒

閑步苔階攀綠幹老紅狼籍蝶衣團

軒窗晴雨總相宜俗韻都除不待醫鶯似有情啼亦緩

花如無恨放何遲常因迎益教開徑爲要忘機罷賭棋

共說長安朝市地盍簪幾輩得心知

擬古十二首

駿馬畏鹽車遊子畏長途長途紆且折送者臨路衢昔
時高堂上親戚同歡娛今茲遠行邁涕下衣裳濡濡衣
不能止征駕去萬里孤鴻念舊羣客燕思故壘俯矚流
水波仰視驚塵起欲敘平生親寸心已先死海水不上
天絺綌不禦寒相思竟何益渺隔浮雲端北斗變節候
掩臥摧心肝夢中一相見但道勸加餐

皓月自在天流輝遍九州清光一萬里墮我最高樓樓
高不可越月光不可掇所思遠離別輾轉腸內熱獨抱
區區心原弗求君察

客從遠方來遺我雙盤龍古書一十二斑駁土花濃不
知何年物持照當春風不見舊歡色但睹新瘦容誰挽

鏡中影美好長無窮

涼飈扇清夕大火流西垂眾卉萋以綠胡蝶雙雙依蕩
子行萬里佳人守故幃四時自有序不覺凜冽催傳聞
天山雪八月如花飛切切鳴哀杵軋軋理寒機紛紛動
刀尺密密縫裳衣不知腰寬窄尚準舊帶圍臨秋一緘
寄君待春風開

灼灼桃李花顏色如人而綠葉附其條輝光相隱現無
言下成蹊頓覺眾芳賤一聞鷓鴣鳴花落無畱片蟋蟀
吟西階樹葉又零亂莫作葉與花願爲枝與幹枝幹誰
來賞時窮節乃見

攜筐采蘭杜躑躅河之曲馨香觸手來終日不盈匊蘭

杜有謝時開春復故綠盛色無十年焉得長如玉

銀漢當天心橫長如匹練西有織女思東有牽牛怨一
水萬里遙再面雙秋換天上亦離愁何不桑田變

少年負意氣寶劍千金收辱身郡邑吏齷齪非吾儔鴻
鵠四方志不隨燕雀謀區區耳目前細故安足讐秦中
甲第盛洛中冠蓋稠驅馬竟前去談笑無王侯朝遊酒
家肆暮宿倡家樓揮金動百萬錦綺爲纏頭眼見金張
屋倏忽成墟邱

盛年不可再歡樂在一朝呼酒召賓客入座皆賢豪百
壺傾美醞方丈羅珍肴蘭鐙曜珠翠綺席倚長姣秦箏
雜燕筑激響何嘈嘈陽阿呈妙舞倏若迴風颺快意貴

所適干祿真斗筭朱紫日磬折宦海浮牛毛榮華旦暮耳零落安能逃世人安不學乃慕王子喬

白雪固皎潔日出不成妍烈火固烜赫薪盡不能然人命如宵鐙憂煩徒自煎千齡萬古情焉得盡目前登高臨大陸四野茫茫寬困獸畏密罟傷禽驚急弦車馬正馳逐不知何所干俯仰念親懿喟然獨寤歎

鬱鬱松柏姿培塿非其所翩翩鳳皇羽枳棘非其處人生一世閒倏若夏田雨致身會有時得志宏建樹諡號榮竹帛子孫耀珪組豈知原憲子弦歌出環堵

入門無與歡出門無與言驅車率曠野但見邱與墳長眠松柏下一故不復生前若華燭死後如浮塵筋骸

弗能固榮名安足珍及身不可必必之異代人明德抗
先哲高言揚清芬杳杳黃泉下夷蹠同等倫

奉和館師尹望山相國絢春園襍詠用杜工部

遊何將軍山林韻十首之作

昔作乘龍客今成再渡橋

公爲鄂文端公之壻文元顯
端居此園時公會假館

初點雪稱木盡摩霄位業真相替煙雲不待招要瞻

天咫尺晝接未迢遙

平泉新拜 賜坐攬四時清寒放長生鹿暄飛上苑鶯

菊花容釀酒梅子待調羹自愛斜陽好沙隄向晚行

獨樂還同樂筇藜聽客支春風多入座活水自成池藻

密魚於物林深鳥不知衛公惟好學朝退一編披

四十年耆舊天涯遍看花行春蓄襦袴治水與龍蛇霖
雨膏原渥甘棠蔭自賒卽今黃閣返遺愛在人家

天教休沐便園傍禁牆開有樹皆棲鶴論花只欠梅

門生問難至帝子起居來

公女爲皇子福晉

雛鳳桐階立

金貂滿綠苔

公四郎樹齋官少宰五郎雨林充侍衛

昔日迎鑾駕棲霞別石泉松排濤謾雲接岫綿綿

疏鑿關詩竅經營損俸錢須彌同芥子懷抱有山川

正值黃花節相看傲晚香鳴謙知止足

原詩有苟完隨處好在得老年

多之懷舊感淒涼

原詩有感舊句

恩比川方至春來塢可藏

冰淵老彌篤有道鬢眉蒼

水亭舟不繫

公於兩江節署構不繫舟

卽是習家池不用騎驄馬常

來岸接羅登龍誇謝客

謂袁簡齋諸君

浴佛說吳兒

公於四月八日生辰

剩底江南物惟餘月影隨

變理調元化賡歌叶慶雲達尊九重德不朽豈惟文髦

俊掄茹彙光陰惜寸分扶輪大雅在餘子敢紛紛

芸館師資近鈞陶幸若何

公奉命教習庶吉士

神斤雕朽易寶

筏指迷多吏事聽談論閑情及咏歌成陰桃李徑我是

熟經過

尹公子

慶玉

移居南院有詩索和

槐花陰裏雨聲涼隔院移家僕婢忙幾雨剩攜雙蠟屐

十三分取一經箱

尹公子亦如鄧禹之數

隄沙仍自環門徑宮柳

欣看過

禁牆

門對禁牆

笑殺長竿懸犢鼻北隣方曬繡衣

卷三

裳謂令弟樹
蕭侍郎

九日招錢蕸石學士畢秋帆修撰曹竹虛編修
程魚門王蓬心兩舍人集亭上

肯遣林亭笑我頑重陽那忍閉柴關座多前輩天然敬
酒爲詩人不敢慳腕底丹青餘粉本蓬心善畫眼前蒼翠少
煙鬟從今併算登高債待到歸時踏萬山

送瀧亭養疴歸里三首

春明送人慣那復悵別離忽聞程回去淚落盈金卮君
歸閱兩年今來怪已遲如何席未暖又欲辭京師似彼
南賓雁來往不知疲挽畱乏良策祖送多苦詞君家美
田園堂上熙春暉子姪各嶄嶄兄弟方怡怡聚書逾萬

卷俯仰樂可知浮名一牽帥奔波無已時北風塞上來
吹我檣樹枝因君意悽惻江南有庭闈

君昔薇省直不獨文翰工迴翔樞庭內出入禁闔中

姓名達

天子諮議煩上公行園扈豹尾騎馬如游龍我雖未
及見至今人稱雄胡爲改館職遽成可憐蟲商飈感肅
殺病骨增龍鍾陳琳檄雖佳不能愈頭風兩臂又酸楚
億若新豐翁得非條冰銜能祟詩人窮眼前少和緩卽
事難從容努力慎眠食前途霜正濃

論年君倍差

君凡長余二十七歲

豈惟兄事敬龍頭與驥尾雲路

繆驂乘前秋君請假我亦方親迎歸帆亂如織各趁西

卷三
風勁往還擢淮水兩過荻莊徑每當池上酌魚鳥亦助
興酒闌判袂時細雨隔燈檠誰知新舊歡此日總難并
翰林本閑官進退可聽命君如霍然起早放潞河榜不
則且淹留安心自去病聚散如搏沙那能後會定

人日大雪

烏啼啞啞黃雲重簾幙未知春色動天公有意補不平
倒潑銀瓶遍流汞天山之西滕六來兩手按下扶桑灰
隨風飄墮一萬里夜半壓破軒轅臺去冬田疇無不被
三白已表豐年瑞飛揚又見入新正萸萸纔滋七葉翠
句芒司令最綽約欲向枯條著柑萼爲憐花事減江南
故教并作寒梅落此花六出亦自芳但恨不作幽枝香

階前可掬不可覿暫得一夕留輝光此時詩人坐竹屋
一點不染紅塵俗略仿羲之快雪書難賡宋玉陽春曲
友人四十始娶詩以調之

獨臥匡牀慣曲肱春風初半玉河冰白鬢爲壻孫明復
黃髮求郎謝阿承甘蔗味宜嘗老境枯楊梯早兆祥徵
明年湯餅筵開日半臂還應費紫綾

同年李雨邨 訓元 繆題拙藁六百言卽用其韻
奉答

酒旗張蝥弧詩轡催控磬少年狂態發都仗才華盛憶
昔金門遊章句浪投贈心折西川李磁芥交纔訂前春
翹材館忝附彈冠慶矢音詞苑職唱和壘簾應中原師

武場掉鞅每角勝君才十倍我馬騰士氣橫嘽嘽江漢
廣煇煇鸛鵲勁舌疑風雷搜筆怪戈矛并一鼓善作氣
三躍慣超乘湜其走且僵虎或帥以聽涼風吹客思中
夜念溫清束裝僂請告飛鵠背斗柄駕湖煙雨迷鶴市
鶯花靚吳苑恣遨遊秦樓禮親迎書來怨離索妙句得
王孟潮聲與樹色暮肖鄉村徑君甲申見懷詩有樹色
濃圓屋湖聲夜到門之
句飛鴻到海角動我春明興攜家共西笑舍館城隅定
古亭有佳致偶爾寄微詠揮灑卅二篇連吟復迭賡君和
余移居詩凡八疊
韻揮掃一日而畢得意忘筌歸推陳洗餽飭更索別後
詩裁鑒辱題評嗚呼三百篇炳煥星河互輪輿規矩設
珠玉方圓孕正始已微茫舉目苦眩暝青天不可補滄

海不可期弗瞻岱嶽尊培塿肅起敬弗饗太牢味餒敗
噉何病匡山讀書臺飯顆相輝映排雲一叫之此醉幾
時醒秀啓華乃披膏殘馥亦賸誰能力擺脫庶幾効磨
瑩化工具妙理介石有完性藺廉見莫避邢尹生原竝
異趣任譏彈同聲貴執諍相期惟一言放鄭如遠佞

散館 圓明園

廷試恭紀二首

筆札紛綸給尚方觚棱鴛瓦曜初陽階前柳颭千條弱
壁後松排萬樹蒼比翼扇開翬燦爛自鳴鐘奏樂鏗鏘
玉皇案下差肩坐定有連珠疊壁章

玉趾親臨看染毫

清光切近柘黃袍 國書勉就三餘習華袞榮叨隻字

褒藁

上臨試案前臣晚陳翻譯草覽訖連稱賽音賽音者好也終賈年齡慚質弱

崔盧姻眷豈門高下情一一通

天聽

上垂問年籍家世臣既奏對訖傳尹兩相國復以姻事奏問

微賤何因得此

遭

虎城觀虎歌

虎城形勢何蕩蕩未到已覺腥風張垣高十仞廣七筵
面以鐵網周遭障一虎蹲踞伏不鬪猶作負嵎歎欲狀
一虎似喜近人氣睽睽暘暘昂頭望旁有一豹怒豎尾
盤辟往來神較王誰能探穴戲編鬚人虎相視兩無恙
欲觀其武以內投懸之網隙游絲游睥睨初若意不屑

倏忽傳翼飛而掇一聲雷吼盡辟易回顧肉已無寸留
咆哮那肯搖尾乞憇欲出柙解拘囚漫云積漸自馴擾
檻穽中未雄威收蠻奴事虎勤且慎晨起設食暮除糞
怪他豈是馮卞徒不畏爪牙敢睚近詎知虎亦有後庭
轆轤巨絙懸門闥驅令入內下關鍵然後次第爲儲頓
帖標兩虢所自來某年月日名王進方今

聖人坐明堂柔遠服猛包八荒神臯不廢熊館設戎索
無俟龍堆防但徠大宛采汗馬不數穆滿雪色狼畜養
聊答雁臣意豈貴搏執誇中黃昊蒼況復縱

神武每歲行圍集番部千三百騎環周陸齊見

君王親殺虎除暴正以安善良此虎偶倖逃槍弩欲知

率土四靈游請看兩階百獸舞

弔吳僧二首

并序

蘇州僧離幻結茅於虎邱鄰短簿祠顏其扉曰且
喜到來入門修竹繞廊襍花滿砌折而北有堂三
楹啓牖見後山東西列盆景數十蒼松怪柏拳石
小山都成縮本又折而東爲禪房庭前寶珠山茶
一株宋時物也壁懸數十餅案列茶壺數十具皆
宜興名手所造盤盛數珠十餘串大率菩提子橡
栗果核之屬光潤可鑒藏明人書畫扇二十柄客
至不拒亦不甚加禮其生平所款洽者無錫嵇尚
書袁簡齋大尹及余三人而已僧少遊俠好歌曲

以喉舌走諸侯間如蘇崑生之流四十後始出家
余識時年已七十有三每當湖船宴集優伶裸坐
曼聲閒作僧敲鐵綽板唱大江東去旁若無人響
振林木陰陽抗墜不失累黍聞者如羯鼓之解穢
滿座爲之屈服尤工蒔植精茗戰凡無名花草經
其手種無不活手插無不鮮豔茶壺終日摩弄光
澤如夏商彝器若者宜建溪若者宜顧渚秩然不
可紊雖盛暑經信宿味不變也甲申之秋余將北
上僧盡出所有以贈余笑而却之受其時大彬製
小壺一具橄欖核雕十八應真數珠一串旋送余
至揚州而別逾年吳人來詢知僧廬燬於火其珍

玩盡爲灰燼山茶枯死而僧亦隨亡矣天下物聚
於所好久則必犯造物之忌是區區者屬之方外
而猶不免於厄況人世之營求無厭者耶悼惜不
已作詩弔之

竹林花界裊茶烟曾埽蒼苔借榻眠回想招提風月境
本來無物亦無禪

何事天公敕六丁不畱錫杖不畱餅道人寂滅名難滅
尚有才人撰塔銘

謂簡齋前輩

題申南屏

發祥

停車圖二首

時申將宰蜀

髯翁興發多清句每到秋來興更癡曾向匡廬深處宿
墨磨飛瀑坐題詩

邛坂憑傳叱馭風一官西去舊遊空停車要問斯民苦
不爲霜林變晚紅

中秋亭上翫月二首

十二盈虛月今宵比並難滄海桑田變碧落挂團圓輝
午微芒徹輪斜眾影寒燕山桂花少試向此中看
那惜侵風露將眠却復休未知明歲事又是一年秋烏
鵲翼無定星河光自收此時懷遠者滅燭思悠悠

送房師趙甌北先生出守鎮安一百韻

人海藏才藪堂堂得我師廟廷瑚璉器巖壑杞樛姿襟
抱淵難測文章數不奇盛年殊卓犖早境值艱危劍瘞
豐城獄珠沈合浦涯管寧床獨坐徐孺榻誰施一室如

懸磬全家只立錐交賢情汲汲講學力孜孜擲地空孫
綽噓天類子綦雲霄雖自隔泥滓豈能羈隱霧毛初澤
搏風翮乍披鶴鳴聞自野鴻舉漸于達詞賦矜义手科
名喻摘髭光爲九苞羽瑞比萬年芝紅藥絲綸閣黃麻
典誥司上公欽藻采樞院借華資戴月趨青瑣籠燈退
赤墀深嚴機不漏參酌算無遺才罷螭頭直旋催豹
尾隨木蘭秋獮日趙北水圍時膳自天廚撤駒從內
廐騎和詩行木末起草立河湄偶爾稱名姓煌然冠等
衰比肩心折服側目語瑕疵邂逅嘲雞樹推擠奪鳳池
未妨胸灑落寧挫骨權奇千莫鋒終利璫璵價不貲十
年辛苦地三策治安規掉鞅雄無敵探花望略虧謫仙

呼白也才子識微之鈴索風來靜觚棱日上遲洞簫宮

女誦蓮炬御床移點竄典謨體鋪張燕許辭壺盧羞

畫樣草藁戒存私筆本如椽斲腸疑有柱檣漢書編郡

國周索拓邊陲步必窮章亥名還攷某誰班班指諸掌

歷歷燦於睂先生應奉代言文校閱朱衣點虛公玉尺

持鵠袍爾此日鴻爪感前期先生分校日有秋永叔文

懲怪昌黎道起衰珊瑚皆入網鳩鷺亦搶枝每讀長城

集如逢造化兒五車多貫穿對仗少參差弔古懷尤壯

張軍敵盡羸鍊餘剛可繞熟極巧能滋涉臧眞酸鼻言

歡定解頤化機新耳目春氣沁肝脾直欲偷任格何人

拔趙旗偶當投轄會交口倚樓推繡刺鍼神線杆敲國

手棋袖長因善舞肱折是良醫酷愛翻叢簡渾疑飲漏

卮搜奇徵豕誤得閒補魚麗

先生著有陔餘叢考數十卷

識小奚妨

大餽醇乃棄醯麟原珍獨角羊或賤千皮餘子何煩數
斯文實在茲才名天下滿經術

聖人知正屆繁霜節俄廢湛露詩專城從臥理顧闕

忍飛馳堠館峯崔翠川郵浪渺瀰渡湘舉淚竹汧漢采

江離努力調寒暖徐行度險巇枕榔遮嶺微蠶蠶放番

夷瘴起黃茅徑偃闌黑菁離修蛇舌甜淡毒草葉葳蕤

鼙鼓礪樓擊樟枌土竈炊霜衣常有霧環嶂卽爲陴地

界中華盡墟場外國毗蠻娘歌嫋娜搖戶語侏儻郡僻

稀迎送民馴易撫綏過時應叱馭到處好褰帷樸魯同

懷葛文明化孔姬從來風氣轉只在長官爲自古無題

詠如天特貺貽待編石湖錄

范成大帥粵著有騷鸞錄

兼著柳州碑

琴鶴家聲繼蓬瀛物望宜初膺南面寵苦念北堂慈家
近梁鴻宅舟維季札祠稱觴逢母慶舞綵效兒嬉畫錦
洵堪羨羞蘭要足怡鄉閭欣款洽寮友悵分離弱質慚
桃李虛名占斗箕不材甘作櫟有用憚爲犧馬坂曾垂
耳龍門再暴髻自邀一顧重奚啻萬閒窺甄影隨趨步
衣塵變素緇爲山學裒觀水認瀾漪良匠難遭石神
工況琢僣曾參年最少賈誼秩猶卑往往叨嘯植時時
奉誨詞豈惟銘翦拂差免笑詒癡祖席風生粟征衫雨
著絲先生今去矣弟子益淒其敢把新愁訴空將往事

追銜恩身未報述德手須臾豈管懷人遠盧溝惜路歧
辨香長自薰好爵盡子忍切容縻著述無窮事淵源有始
基只應望南極重疊寫相思

聖駕巡幸天津詩

謹序

臣謹按古者天子歲見吏民春月則敕有司修利
隄防行慶施惠用道陽氣著爲懿典我

皇上習祥展義度功滂苗閭莅南服河海大工罔不釐
舉天津者禹貢冀州之域也置郡分守昉自

憲皇爲神臯左輔河淀諸流匯茲入海往者六飛南
邁以稍紆川郵未慰民望茲於三十二年之春特
啓鑾輅而臨幸焉履視隄閘濬堙培庠示機順

軌越二旬歲事盡力溝洫昭其勤也能免儲侍昭
其儉也省刑蠲租昭其仁也揆文奮武昭其立也
養老度侯昭其禮也自上下下

聖澤無量榮鏡四海臚驩佻道在昔成周震疊有邦勲
求肆夏作爲雅頌被之金石告功神明

皇上至德如天超軼文武臣職司紀美目睹盛典如

驚霆啓蟄春風發萌有不能自己於鳴且達者爰
竭愚陋敬謨四言詩一篇以獻凡千二百八十字
其辭曰

於鑠維

清景命肆申昭哉

列祖育我烝民我

皇求德紹繹繹懃夏遊作度虞絃解慍叶翼翼京師百

度維新宅方表正箕尾次辰燕壬趙癸義圖協靈叶馮

翊所治曰析木津冀充下料河漢叩貫叶漕輸駱驛軌

道用循昔爲衛服今作大蕃川陸都會畿臂京身任土

作貢上腴利均詰兵設險天府勢尊出其東門海光如

銀蕩雲沃日迴乾幹坤瀋陽通粟元菟達琛叶橫流逆

折海河是名叶百川滉澗沸渭汾沅粵稽九河故道齋

淪夾右碣石依約海濱被漸橫溢王辭斷斷地有改利

此則弗論枝流沆瀣刷寶澹濤雙壘挈領五閘羅鱗夏

閑冬啓濟汲漑田有淺者淀滄流之西叶雍奴瀛鄭派

尾星陳清河八九噓喻無垠若網在網若齒于屑白洋
大港絲窩茅灣名弗能記狀弗能殫太沖掘鯉厥跡久
堙宋遼塘灤往往猶存夾河中界緯委經源東流就下
澶滸漫汗三岔轆轤四股連芥一帶千里長隄蜿蜒何
楊修築歲久弗完旣培旣浚于創于因澂九十九子牙
戒南叶滹沱洞沃漳釜飲歎孰敵衰旺孰辨澄渾格隄
肇建垂虹蠅蠅直沾滄滂釣臺巘岼上源經軌下流就
班曰閤爰闌曰防爰墳捍表護裏撤渾捎瀆魚鳧勃族
蘊藻鋪蔡滌滌洩洩渙渙泛泛叶繫彼靈長河洛所先
聖人懃恁鞠謀載宣靡盬不遂靡幽不聞叶灑沈拯溺
四駕南中叶金隄底績石櫃安瀾順時行慶匪事遊盤

密邇左輔水郵弗臻吏民歲見濬澮未親延頸內面俟
幸彌殷於皇

聖祖法乾健行

叶

展軫河泊求莫孔勤襲熙邁洽比

去聲

于

世宗

叶

桂旗榮斐豐碑垂

訓

叶

我

皇祇迪繩

武紹

衣

叶

量偕海運澤與春溫湫湄江介罔不推恩豈伊赤

縣獨外時巡廼勸令晁載啓

龍旂

叶

紫闥敬告

古沃切

說于郊原蒼威奉御青祇扶輪桂桓奕

奕羽衛鄰鄰未臻沾淀先渡桑乾波棱乍半靈雨清塵
條者綴芩絲者含芽叶藹葉滋綠儲彼如雲典重勸農
禮治省春淵然圓湖泓爾紫泉際乎趙北一鏡浮天淖
彼楫之鷁羝山連柳荑茁虎橋影闌干雲芝容裔東
薄瀛壖水步弭節水嬉匪歡先憂後樂急民之患桑經
所紀禹貢所傳披圖按籍苴罍補偏二淀旣翕勿闕勿
奔金門是泄玉帶是遵漉池霧塞渠口雲興叶提封緒
蓄廬井相輶聿有三灘鴻溝中分漚焉暴漲噴薄四吞
抹之度之民捍其生叶至仁軫恤弗遺一村窮櫛疾
苦爰咨爰詢互斷彌缺禹德其遠叶殖我青疇芑我
雲孫子牙并瀨逆河迴湍控清引濁睿運斯全僚隄

周覽川后效命

叶

藻舟被拂惠風如薰蔣蒲荇茆溼

翠彌痕靈葩蘆薈好鳥閒關

聖情茂對式宴且忻

奎文麗藻雲漢爲章

叶

升觀旣畢迺入重闔幄雲汗

雨飛璫晝昏冠蓋繞獵闔闔駢闐鬻良襍窳陸海太半

叶

厥利魚鹽揚粵非倫鑿池曝滴弗假牢盆旣庶且富

熙熙眈眈秀者誦義蠢者含淳我

皇崇儉厲俗葆真帳殿却飾華鐙罷然露臺厖費玉饌

登鱸黃屋非心心在民艱厥有黎元童叟芸芸嘔涌

趨趁輝續紛就瞻雲日跪拜莘莘謂我

聖主爲天牧人我振我復我卹是憲

皇帝日俞乘春布和

叶

新稅徵七舊逋全蠲詔綉錄故

進秩興賢赦過宥罪增弟子員
離流商筴粟賜高年量
月餉士計日犒船日給行
籩意萬算緡曰燕庶寮既醉
烟煴奉璋薦幣望秩明禋雕
樂鏤案肝蠶報功叶涵濡
動植周浹幽顯叶篤慶介嘏
常常純純若稽虞帝方岳
肆覲叶夏后疏鑿出民于屯
周王時邁懷柔百神岐陽
冬狩車徒振振孰若我

皇率

祖行仁屬車所莅樹聲若風叶延洪汪濊醴化叶溫綸

光于四海通于神明叶侯其禕而淵雲難讚叶清暉

爛爛叶沖抱淵淵敷幾罔敷監憲無訾劭農治水已事

而竣慮騷我衆飢屬迴叶鑾言遵潞潞二流潺潺坦工

截垣網濤灌川斷潢支港脈絡胥安言蒐南苑數實

觀軍遊麟在藪鳴鶴在陰叶嗇夫蹈扑厥角林林叶還

朝

璿宮不越浹旬邦畿千里享牢飲醇德恩漸被符瑞

紛紜自邇及遠靡閒絃埏翹瞻鼓舞逖聽歡欣二史注

撰永勒貞珉小臣作頌昭示勿替叶

丁香盛發秋帆中允過亭上談吳中勝遊

蕭齋容易得良辰獨有韶華不擇貧閭寂戶鄉聊守拙

聲名中允近爲鄰吳歌子夜從頭記燕市丁香到眼新

多恐繁枝易飄落好憑佳句爲畱春

題舅氏查半莊先生竹溪垂綸照

晨興盟額罷視膳調澹滫有客攜卷來言從儂自有生

顏其居曰儂自有閣披尋未及竟捧卷啓阿母明玕鬱檀欒曉鏡

涵清瀏架屋小於船此閒著釣叟叟面頗相識母猶能

憶否母視笑且歎云此半莊舅自昔荊州公

康熙戊辰及第五經貽厥後爾舅克承家簡編不去手紛綸穿

宵眇支蔓絕稂莠時添載憑席共載揚雲酒詩才旣雄

驚文力亦沈厚抱負抗前修聲華壓輩偶一中誤副車

半世悲重九託身雲水鄉絕跡功利部投竿本意釣豈

必魚麗鬻小子敬識之舅家風可守再拜勿敢忘退而

述諸右

西獄古槐歌 相傳楊忠愍公手植

錦衣老槐狀若怒

今刑部獄卽前明錦衣衛地

云是椒山手種樹連

蜷偃蹇枝相樛但受雪霜無雨露元修閭主太阿失賊
相曰嵩把天日兩疏空丹汲黯心三年未碧萐宏血餘
生呼吸傍幽臺移得孤根向此栽直柯貞幹幹元氣陰
飈霹靂烏能摧植之臺閣棲鸞鳳采向巖阿作梁棟何
辜亦辱園扉中鴟啼鬼哭長含痛黃昏風起動琅璫月
照清陰一院涼夜叉羅刹甘人食愛惜知因員外郎我
思忠貞骨已朽此樹重輕亦何有當時奇毒備籠箠那
有閒情寄榆柳祇因憤激在人心料虎嬰龍奕代欽望
氣不緣獄劍掩招魂直抵江楓深君不見鄂王檜萊公
竹鬼神呵護獸不觸枝枝南向表輪囷个个平安搖翠

緣

閏七夕二首

三旬竟抵一年過河漢微橫澹不波只恐仙家好離別
佳期翻覺此宵多

神光離合自西東雲幄星橋頃刻空辛苦獨憐烏鵲族
無端兩度爲頭童

閏七月望秋帆庶子過亭上對奕蓬心適至卽
景作圖小飲待月作

愁霖七月催早寒六街滑滑不可乾舊雨稀來我不出
終朝樾蔭交柴關忽聞剝啄聲轉疾開門乃是鮑陽畢
隔日猶嫌見面疎兩情直似膠投漆輸贏豈惟一著先

能令對局我亦賢

余奕遠不逮秋帆

林閒正閫落子響復來一

客美且鬢無錢沽酒願作畫以畫乞酒猶勝賣收枰磨

墨寫淋漓筆下眼前雙景在德公司馬誰主賓囊頭況

有麴米春畢子竦身孤鶴時

秋帆不善飲

王郎哆口長鯨吞

百榼千觴不成醉明月在天來照人天蒼蒼月浩浩樹

枝明滅隨風埽好景幽棲何處無茫茫人海閒人少酌

君酒聽我歌少時歡樂能幾何故鄉千里共金波美人

欲語隔山河紅顏難駐安期藥白日豈返魯陽戈人生

志願如海濱有酒有朋笑不足世閒苦樂多不均但如

吾輩皆爲福君不見蟾蜍歷劫有盈虧爲古今人照去

來亭中榜識尚無恙二老風流安在哉

謂湯西厓張南華兩先生今

夕何夕好秋時巨觥在手君莫辭明日以酒祭畫兼祭詩

庭中秋色爛然各賦一絕得八首

秋雁來時色漸加攢紅凝碧散晴霞一年花事尋常過
看到花闌葉當花

雁來紅

牆根籬角守孤芳幽意難迴蕩子腸欲覓秋痕何處是
昨宵風露太淒涼

秋海棠

蕭史秦臺去不還空畱色相落人寰染成指甲教調瑟
聲在求凰落雁閒

鳳仙

已知禦敵無金距豈是登天有錦翰曉著霜華頭盡白
朝陽猶戴切雲冠

鷄冠

說與南人恐未諳
濃香却在雪中含
晚涼新浴梳妝罷
笑折冰姿當玉簪

晚香玉

紅花隱見綠紛披
一卷芳心不自持
郎若吟成樂天句

自詩紅蕉當美人

願爲牋紙待題詩

紅蕉

爲爾忘憂獨寄情
攜將樹背抵荃蘅
如何葉底幽蛩語
仍是江南八月聲

萱草

恐傷遲暮獨先開
曾被騷人愛惜來
省識漢宮皇后唾

碧羅衫子試新裁

杜若俗名藍菊

九月晦日得夢樓書却寄

難必牂牁驛使梅
秋河竟有鯉魚回
葉如白雨空中下
書自青天盡處來
牛犢風清蠻部格
弓刀霜厲鬼方摧

頻年 廟略籌邊事露布應需倚馬才

時方用兵緬甸

歲暮襍詠五首

天寒猶戀故時衣海曲三年負釣磯
歷歷湖山佳會遠紛紛冠佩舊游稀
無心出岫雲終嬾有意乘軒鶴亦肥
情到分途判深淺懷人燈下雨霏微

六詔烽烟百載清胡然螳臂敢相撐
朝廷豈有開邊意將士都懷報國誠
深入鐵關侵霧潦重標銅柱立功名
書生擬倚崆峒劍早挽天河爲洗兵

不禁涕淚灑衣紅走馬平陵哭義公
楊柳絲多難耐雨芭蕉葉大易招風
橐籥苦向圓扉納槃水虛祈貫索空
眼見絳侯尊獄吏驚魂猶繞白雲東

征鴻昨夜到鄉音
澤國波連廣莫侵
八月衣裳求繭絮
萬家井竈辨浮沈
當官早建安瀾策
遊子爭禁陟岵心
記得往年逢歲歉
曾因斗米抱秋衾

漫說文章屬鳳池
先民桀蕩至今垂
六鈞弓力須開拓
一點犀心自合離
大雅風流憎豔體
清時鼓吹忌哀絲
欲寄溟濤無窮境
只有多師是我師

悅親樓詩集卷三終

壻黃埜校字

悅親樓詩集卷四 起戊子訖庚寅五月

海寧祝德麟止堂

古今體詩一百四首

題嚴鉉泰康子讀書圖

泰康子秀而文真草力摹王內史丹青似學曹將軍度
曲曼聲分柶黍傳杯豪氣陵煙雲有時相對如靜女春
花婉孌春草薰焚香鬪茗無不可要能肆志窮典墳示
我讀書圖爲繹圖中趣一叢幽篠媚碧溪三間矮屋團
紅樹平林放鹿號雲奔隔磳歸樵乘月度纖塵飛不到
深厓洞達軒牕開竹素憶昔讀書松嶺日 萬松嶺敷文書院所在
興味沈酣思致逸西湖一勺作硯池南北雙峯來架筆

抗懷直與古人期放眼惟知天界闊自從通籍走長安
馬足車塵空蹙躡泰康子爾家乃在莫釐之峯具區之
湖煙波三萬六千頃天光上下浮鷺鳬最奇傳是林屋
洞自古藏有靈威書東灣足荷西灣芟前崦諸楊後崦
盧蓴絲滑可采橘酒醖可酤何不囊琴匣劍買舳艫南
華經離騷賦一飲一石一歌呼吾將從子歸東吳

讀史襍詠九首

歷觀古聖人周公最不幸沖人方踐阼抱負立斧戣羣
叔骨肉親流言作不靖非天風雷威王亦何由醒曹瞞
窺漢室許身竊比並厥後明成祖借以盜九鼎生前旣
受誣死後又遭書詎知光明懷萬古照炳炳質文監二

代官禮書手訂一爲新莽誤一爲荆舒梗摘地行步顧
周道自挺挺從來書中意只有輪扁領

始皇至無道萬古一笑驛揮劍埽宇宙六雄盡鋤剗縱
其橫暴力乾坤任搏散蔑古燒詩書極天起宮殿爰求
不死藥欲到蓬萊岸山石聽其驅海神服其戰巡遊或
遷怒舜妃亦遭譴顧盼六合閒何一可忌憚然其創制
初亦各有所見郡縣一海宇長城備外患皇圖兼帝軌
聖人不能變自從洪荒來一治而一亂時會之所趨大
局有改換倘議三代復形勢轉未僂損益蓋可知非謂
暴秦善

智如外黃兒勇如秦舞陽智勇克兼濟高齊琅邪王是

皆年十三龍子九昂藏赤手捕長蛇神色無張皇作事
固不凡傾倒斛律光惜哉乾阿嬭禍本猶未戕永巷遇
桃枝千載爲悲傷奈何漢廷上喋喋張辟彊善揣野雞
意平地跳虎倭

辟彊說陳平
聲平虎倭
時亦年十三

舍人貌如花專寵椒風庭婦妹亦並進鄧通不足稱寧
斷袞龍袖忍令夢寐驚單于且下拜安論老宰衡孔起
第擬宮掖穿象象園陵權勢侔萬乘問年纔妙齡一朝
新都侯殺之屍骨橫庶幾赤帝祚弗隨梁山崩豈知長
樂塋擲階鏗有聲弄兒未受禪漢臘已改夏移彼以與
此天意終悽悽陋哉新室主不如董聖卿誰見漸臺上
復有朱詡升

易象貴渙羣處士惡橫議嗟嗟東漢末名節亦流弊顧
厨俊及君豈曰非善類標榜各署號已犯朝廷忌太學
二萬人臧否立同異國事近把持公卿爭附麗致令刊
章捕鉤黨縱文致中官固暴橫召囂非無自仲弓弔張
讓實具明哲智賈彪獲西行亦免株連累奈何清流禍
復見有明季聲氣相應求都在危亂際

亂世多姦雄阿瞞工智諂就其小節觀似亦有可取太
牢祭喬公千金贖蔡女周旋生死閒努力敦古處漢家
前將軍背我奔其主縱遣戒勿追豁達明取子獨此無
君心敢於肆陵侮牽后如牽羊徒跣下堂廡天子不能
救三公不忍睹至今讀史人按劍有餘怒華歆安足誅

區區一腐鼠

建德一盜耳未知經世務乃其所舉動深合帝王度初
從高雞泊草澤潛嘯聚旋聞破野頭弑君移國祚春秋
重討賊義旗不返顧指罪極元凶稱臣謁朝著其他鉅
細事一一協舉措宮人盡放還貲寶悉散去叛奴立誅
戮忠臣必禮遇視彼猶視已人心得不附具此撥亂才
直可恢天步豈比黑色兒卑卑學項羽只因天眷唐真
人有驅除我謀適不用懊歎空曹姬

王將殺令尹三泣向其子子南旣伏辜棄疾亦隨死懷
光反德宗李璣不能止宿衛發父姦視死如歸耳人倫
當大變忠孝無全理璣也心獨苦進退成瘡痕苟非逆

談摧曷雪蒙塵恥特其已甚者殺弟斬宗祀追舒非大
惡所寵一觀起寧不如子馮諫之或可已不然竊負逃
亦是遠刀几菟父效愚忠吾疑楚御士

包胥乞秦師依牆晝夜哭公爲賦無衣郢都竟克復辛
讜救泗州踴躍力尤勦始從救使請繼向令狐告義聲
動天地血淚灑輶輶終能致援兵兼得輸鹽穀負戶突
重圍斬鎖濟廣舳萬死出一生慷慨無挫衄淮南作保
障孤城幸免覆事隔千餘年忠惻若相續哀哉南霽雲
未食賀蘭肉

籬間桃花

天氣如薰日正遲分明笑靨欲波時不知簾外春多少

昨夜先開三兩枝

春晚

等閒桃李鬪春光
紫蝶黃蜂各自忙
莫漫恁恁貪好景
最難消受是斜陽

同人分詠史事得馬嵬二絕句

蜀山秦樹太無情
紫褥蒼黃第一程
休憶驪宮星月夜
此生難係況他生

和門誰息六軍譁
一死終能護翠華
畢竟大家非好色
不曾並命殉梨花

戲效義山體

欲慙愁逢怒將窺
笑底防春風和甲煎
夜月泥丁香不

擬陳王枕生憎宋玉牆相思莫相見相見已無腸

爲馮桐山題穉石簷事畫蘭卷

宮簷善書兼善畫鎔書入畫筆狡獪梅花作圈竹作个
眞骨草筋隸姿態畫蘭如擷空谷芳石瘦蘚古蒼然涼
橫披側埽隨意出紙上風露俱生香桐山少府重豪素
攜圖欲上河西路王宰山水韋偃松惜無杜甫題佳句
此老醉筆更有神傳之後代難其眞眼前好物不足珍
嗚呼眼前好物誰能珍

夢樓寄示南詔集題後

轅門鼓角牙旗擘臨安之守尊莫敵昆明五華相嬋娟
太守之詩妙若仙自昔升庵被譴謫斬新題遍炎荒驛

客星一去二百秋無人吟詠山川愁君本天上鸞皇侶
一麾典郡莊躋部手攜泰山膚寸雲句町戶戶甘霖分
到官三載政多暇鎮日彈棋兼較射韋蘇懷抱陶謝手
采訪詩題得未有哀牢忽地羽檄馳莽緬逆命煩王
師飛芻輓粟征調促上馬不憂生髀肉男兒出門意氣
豪兩足曾濯滄溟濤想當據鞍吞小醜激昂時舞琉球
刀君曾隨冊使至琉球卽今微眚望吏議得歸且歸非失計點蒼
山頭弔古詩誰其知者商寶意名盤工詩由翰林出爲郡守亦官滇南

題沈東田方伯渴睡圖

時方就養京師

吳興老睡客路熟槐安徑黑甜卅載味噩夢一朝醒板
輿就子舍寵辱心何競秋空無片雲月地天然淨平生

學踵息虛室寡將迎閉眼一肩欹垂頤雙膝凭嗒焉類
喪我超然疑入定有恃藉神完無求本道勝古井不起
濶古佛不滅性飯罷卽假寐睡起卽長詠游戲自在身
此中非惛惛一切夢覺言余知不聽瑩

三韻三首

下船任船行上馬任馬行走固船馬操縱在余手揚
帆莫飽使揚鞭莫疾扣

鳳皇命司晨不如短尾鷗香象教升木不如長臂猿君
子務其大曲藝非所尊

二更晚飯歸三更鞦鞍馬懷刺半次且朱門檐雷下何
如黑甜人栩栩蝶耶我

趙璞函舍人

文哲

以事罷職從軍永昌送別三

首

樞庭橐筆正迴翔忽漫從戎指瘴鄉談笑偶緣溫樹洩
風波難爲浦鷗防逐臣自昔多名士

聖主垂恩異夜郎此去暫爲軍祭酒男兒功要立沙場
加餐書素定如何山到衡陽雁不過夜半聞雞應起舞
酒中看劍又重磨郝隆莫作媼隅語劉秩原當曳落河
早晚揮豪騰露布故人也得和饒歌

請纓那復例南冠極目哀牢道路難水盡蘭滄江一線
山通杉木徑千盤元戎開幕諮奇略舊雨聯鑣愜素歡
謂王慙愧桺條無可折臨歧不敢問衣單

蘭泉

辦事翰林詩 并引

翰林無案牘紛拏之苦養志讀書泊如也有院已
來凡簿書錢穀典簿攸司而掌故文書則責之待
詔

憲宗朝慮掾吏之偷且墮也 命於編檢中擇才以總
之名之曰辦事翰林滿漢額各二戊子秋院長署
余名入告作詩解嘲

博帶峨冠論典墳飄蕭野鶴迴難羣
官拋冊府詩書畫
忽學官箴清慎勤入署傳呼終不武
部院體制堂上官
入署乃喝道翰林
開坊後則然而
辦事者亦如之
隨班判牘亦空文只應鈴索深嚴地風
月瀛洲飽十分

題唐侯拔轅圖二首

并引

侯名叔度四川綿竹人雍正二年宰海寧救荒捍
海著有善政逾年以事望誤部民惜之爲作拔轅
圖家彭齡老人爲之序今侯年九十餘矣養眞林
下者數十年猶及享其子之祿養非所謂廉吏不
可爲而可爲哉令子樂宇丙戌進士爲農部郎官
會稽父老思劉寵河內蒼生借寇恂耳熟鄉人嘗說尹
始知故事挽留眞
四十四年傳僅事後來多少繼雙鳧休言敝邑民風悍
不見唐侯去任圖

聞雁枕上作

多少蟲聲動暮愁
更堪哀雁警高秋
尋常一種羈棲意
爾是南征我北留

剝棗

僮兒上樹闌如繞
髮綠跳紅滿院拋
乍聽圓聲流屋角
已看病葉挂林梢
無心波及鄰憑拾
信手竿投鳥不巢
傾寫忽思曾嗜好
教熏曝入南包

丙戌之秋余與雷峯先後聞大母訃
雷峯奔喪楚北別來兩閱歲矣頃自蜀攜眷入都同寓接
葉亭感喜交集紀之以詩

報劉心事此生休
君自星奔我媿留
今日兩家分半宅
去年一日抵三秋
那嫌鶯鴨比鄰鬧
且喜兒童逐隊遊

明月綠楊無恙在好詩誰繼白江州

人去

人去流光只自增還因諱日視羞烝涔涔但下羊曇淚
渺渺難親樂廣冰空有聲名尊斗嶽孰將心迹判淄澠
西華葛屐淒涼甚待撫諸孤恐弗勝

木芙蓉

蓼葑葭茨倚芳叢風骨天然獨立中同是滄江清露裏
幾枝得氣最先紅

卜雲泚前輩屬題滌硯圖卽送之延安郡守任
物數浩煙海人生各有癖和嶠愛蓄錢昌言愛蓄墨先
生文學裔寶硯如寶璧端溪割紫雲一一精鑒擇縱橫

書卷旁羅列琴床側。漚然鸛眼青。沃若蕉葉白。質堅製
渾樸。膚膩理潤澤。銘言竄盤詰。鐫法森矛戟。珍玩意有
餘。欲覘靜者德。有時哭不炊。典衣尙購覓。從來品硯者。
厥功勤。澣滌譬彼越國姝。洗紅現白晳。譬彼蜀國錦。濯
江煥五色。君書妙入神力。振鍾王格。退朝便揮灑。下筆
有典則。淋漓興忽止。疴僂陵波碧。方池散元雲。幻作蛟
虵黑。因之繪成圖。聊以寄所適。仲冬月之望。綸言降
制。敕命汝守延川一麾。近沙磧。當年職文史。三節日趨
直。雖未生鐵穿苦。被陶泓役。太守在。收民文翰。固非亟
公餘。遣情趣得句。亦怡懌。鄜州上郡閒。杜老賸詩蹟。有
令良硯田。坐受三災厄。佇聽襦袴歌。循良最計籍。檢點

陸績裴仍載鬱林石

送雨邨歸羅江三首

憔悴羅江子，臯魚血未乾。
月流丹旆溼，雪打素車寒。
恨事漁陽谷，哀聲虎背灘。
棘人歸楚道，行路倍歌難。

與爾十年友，疎狂不可羣。
吟詩學崔立，識字擬揚雲。
風引瀛洲舶，名高吏部文。
卷中寒瘦句，酬答荷殷勤。

京華棲寓處，滴翠有遺園。

君所居梁家園，官房爲李司農滴翠園，故址見日下舊聞。

翦燭高樓坐，迎門積水翻。
天邊斷去雁，劍外冷啼猿。
他日過街巷，空銷舊侶魂。

鸚鵡詠

姣好紅襟鳥，能令翠羽輕。
愛憐綠綺麗，羈繫誤聰明。
趙

后陵風態照君去國情香闥教私語亦解喚卿卿

自題接葉亭圖

榮遇金蓮叟曾居此畫中

張南華先生居此最久亭榻是其手書著有金蓮榮遇集

聯吟佳句在高會幾時空苔色簇新碧花枝依舊紅
來三十載容我占春風

貧婦歎四首

明月何徘徊流輝照屋梁綽約誰家女生小婉清揚容
顏耀朝采顧步馳精光十三理刀尺十四調笙簧十五
學機杼縑素成文章十六誦詩書禮儀罔不臧女子不
踰閨空閨日夜藏戢身事阿母形影相扶將下堂偕保
姆嗚佩聲鏘鏘願爲青松枝峭蒨依高岡不作桃李花

飄零委道旁獨處清且閑盛年殊未央

東隣富家兒錢帛猗頓流西鄰貧家子文采班揚儔偏袒匪不易所憂吟白頭人生如轉燭光輝難自由不見同里女一笑千金酬嬌春預妙選嚴妝謁靈修鸞軒玉作輪鳳蓋珠爲旂兄拜侍中郎父爵關內侯欬唾成雨露是非安所尤一朝涼吹至坐怨梧宮秋旦夕不自保況爲骨肉憂感此勿能決徬徨思悠悠

徬徨亦何爲行適西家閭結髮事君子兩情恩愛初丈夫當游學那復戀妻孥妾能代子職黽勉奉君姑膏沐罷梳洗井臼操拮据羹湯旣識性甘旨唯所須宗親莫能顧瓶鬯鮮寸儲鬻我繡羅襦典我明月珠珠襦亦已

盡截髮換生魚辛苦爲辨護但博高堂娛富家婦驕貴
貧家婦勤劬勤劬亦不惜婦道當何如

有家盡婦道三歲勞寢興翠袖不爲薄蛾眉敢自矜眾
女善謠詠被余不潔名所天苟弗察驅遣理亦應保護
賴夫子媒孽無由生恩愛雖獲全自顧還屏營衣裳衣
匪澣令人體不寧磐石無反側井水深且激素絲弗羨
染修竹弗改青終朝采柏子揮袖盈芳馨夜半禮北斗
圓靈粲眾星寄言謝阿母貧婦難爲情

五襍組七首

五襍組星斗文往復還日月輪不得已扣富門
五襍組舟中被往復還驛中騎不得已陰懷刺

五襍組新人車往復還故人書不得已離心居
五襍組迴文章往復還相思腸不得已守空床
五襍組徐黃手往復還蘇張口不得已作新婦
五襍組羽畎翟往復還連城壁不得已望夫石
五襍組舞者衣往復還織者機不得已熱客歸

南唐十首

齊雲船去剡空潮水上檀來唱已遙點檢漫誇安臥榻
也曾鼯睡世宗朝

琵琶鳳紫續朱絲聽到霓裳枉自悲金縷鞦安香國裏
姍姍初不恨來遲

碧玻璃酌紫風流桃李風過著體柔輸與鈿筒梅影好

紅綃微罨月華浮

瓊珞周垂寶飾勻舞衣天水碧裁新蓮中花上雲中月
想像陵波步宓神

橫曳漫天赤白羅年年延巧狀銀河千秋果有長生分
費盡江南舉國梭

似曾預識餌牽機卷帛如何顛筆揮癡殺舍人眞措大
欲將秋水解軍圍

自古從無兒戲兵量江界限早分明黃花水縮浮梁起
只聽沿隄梵唄聲

檢校澄心內史才夜分光政殿猶開豈眞周孔能爲厲
萬軸牙籤變燼灰

千艘無復打標雄
隨虎歸朝識已終
香夢若愁迴故土
也教宛轉障屏風

石頭城灑淚痕斑
忍對櫻桃一破顏
昨夜小樓風又起
更無人唱念家山

送鮑雅堂之鍾歸丹徒兼寄夢樓

昔聞雅堂名今識雅堂面
耳目似不謀所聞弗如見
承家有毛羽下筆工文翰
立於同輩中玉樹一枝現
前年賦迎鑾嘉頌邀華選
今年舉進士射策南薰殿
負此卓犖才共許瓊林冠
登之著作堂豈不儕羣彥
美人保嬋娟修眉自銜聲
病不加檢轉喉遂發難
諱疑晉肅嫌跡類堯咨
薦穿楊射徒精垂手舞空善

聖人達四聰臣分當嚴譴已寬薏苡誅敢抱芙蓉怨俯
慙筆陣疎仰視雲衣變幡然返故鄉暫息霜蹄健嗟余
拓落姿文拙姓名賤所幸二三子包蒙還激勸自與君
訂交磁鐵性無叛握手能幾時遽起參商歎身世本浮
雲功名同掣電君歸浮玉陽卷軸供點竄名山自有業
何必頭銜戀倘遇素心人爲余道縉綬

錢香樹先生書九十詩仙謠惠寄謠壽歸愚沈
尚書而作也感荷弗勝卽繹謠中意爲謝二首
秀州吳下雨尚書當日朝端得水魚嘉禮祥刑同曳
履引年示疾各懸車還鄉嚶噎頻仍問封事謀猷密
勿攄無量恩光無量壽苟陳家世可能如

疏傳歸來枕石泉潞公已過杖朝年祿優大老叨雙俸
二公在籍食俸御賜詩和二老天下之大老天章近萬篇楷法寄從
煙雨外和聲如傍景卿邊典刑此日誇難得畱與兒孫
壁抵千

秋夜亭上

木葉亭臯露氣清夜闌衣上嫩涼生新篁弄月出幽翠
螢火向人時一明

七月廿六日嵇晴軒前輩移尊亭上招同事諸
公讌集翼日以詩見示次韻

論事憐余少不更諸公雅望盡觥觥偶貪竹色因移席
爲少機心可對枰入座翻教賓作主選秋難得雨初晴

紅塵何自尋青鬢冰樣頭銜一例清

病中簡查表兄蓆林祖香時查亦苦痢

叔展鞠

平聲

窮欲覓難懿親相望瘦樂樂若論年力余差

少同是天涯子更單存問奚奴如組織拜嘉藥物勝金丹閒身那有心情病

樂天詩身閒當將息病亦有心情

彈指中秋月照闌

謝晴軒餉蒲萄三首

昔人傳後無生產奴長千頭足自豪莫道相門遺業少已看三世喫蒲萄

晴軒謂文敏公時已有此種

對衡臭味喜相親往往分甘到比鄰昨日綠雲牆外望冷然齒頰已回津

甕頭錯落下珠璣學得涼州釀法稀準待黃泥封垓後
邀君軟飽療朝饑

昨貽句云尚容枵腹喫蒲萄故戲之

中秋月

金盆玉盤人所識挹以酒漿盛不得古時靈鏡飛上天
仍爲後世照容顏吟詩我笑杜陵老幻想入雲太縹緲
若教砍桂光更多不聞挾瞳明愈瞭麤才收之尤繆悠
孤單忽替嫦娥愁似此絕代好姿格人間匹配何從求
我欲御風朝仙闕聳身抖擻塵埃骨不須宛轉躡虹橋
已覺冰壺浸毛髮

十六夜月

端正穹霄月還如昨夜看光多周地易輪重出山難乍

洗眸逾炯經磨鏡尚完中秋不長好吟賞到夏闌

十七夜月

待到昏黃候依然照萬家却憎修戶手畱得斧痕斜半
老嬋娟女將殘婀娜花衰機伏於盛物理總無差

十八夜月

秋半剛三日輪虧已二分夜深涼似水天老淡無雲桂
子何時落潮聲不可聞樓頭悲少婦夫婿正從軍

雨中秦芝軒贊善邀集陶然亭歸途至永樂菴

看菊二首

昨夜西風太作

去聲

涼聯鞍乘雨賞秋忙同人于野叨賢

主有酒如澗趁晚香一日澤容商蠟展百年亭幘閱飛

觴休文也詔清狂客只解關門對孟光

沈園舉屢不赴會故調之

薄陰新霽景難摹溼翠西來未及郭不礙狂風猶落帽
偶逢積水當看湖飄林葉似髮初脫穿荻車疑舟可呼
扶醉尋芳君莫笑菊花開後百花無

送同年眉賓

善聰

赴

盛京工部主事二首

望如龍虎五雲端 王制陪京儼百官自古水曹屬才
子當關月色照長安瀋遼河闊波聲壯松杏山高石骨
寒足遣詩懷愈豪健馬蹄穩踏路千盤

鈴索年來伴直多唱酬往往似羊何三清典冊論中祕
十載天街憶大羅文字白圭寧有玷交情古井已無波
瀛洲終待眞靈泊風引船迴別處過

君由庶吉士改官滿洲科甲出身者

例得仍
遷翰林

贈蓬心

髻也風流絕可師屢空時抱在陳危晨窺破竈魚生釜

夜檢空箱鼠齧詩

君有鼠餘集

犀首偏爲無事飲虎頭惟作

有情癡蕭奴逸去朱絲絕眞本雖多鬢恐絲

君有像沙姓者善畫

每爲主人代筆近逃去

十月初旬蕉花猶開

葉葉陵風已半摧霜刀翦縷一叢開殷勤喚取紅紗護
恐有夜深蝙蝠來

晚望

白雲不上天徘徊似魯縞欲遮明月光忽被西風掃

問鏡

爲妾問嬋娟郎真那日還朝朝卿見我可似別時顏

夢游仙曲

仙人宮闕蓬萊島玉笈金籥開竊窺海雲湧洞屏風表
北斗磊落青天小鸞眠密字求之杳不如夢見之御風
身縹緲鷄三鳴天下曉

蔣心餘前輩有京師新樂府十四首爲補八篇
開溝

五城煙火居民稠汚池渟積惡不流春深疏堰洩地脈
街頭巷尾開官溝御史華軒換鞍馬辟人奪隘何都雅
擔夫攔路避不得窮途橫辱鞭笞下百官朝謁趨正陽

門名欲南反北紆迴翔雙輪只愁納陷阱九軌何處尋康
莊吏胥乘機竊操縱遲開早蓋須錢送東家豪富西家
貧糞土如山壓檐棟去年開溝風日晴今年淫雨無時
停路旁有人正蹙頰道是閭中新墨出

諺云臭溝
開會墨出

搭棚

經天杲日紅於火疑是請君入寶坐鬱烝何計避驕陽
葦席秫簾安帖妥棚匠棚匠達且挑緣杖不殊升木孫
手縫繩索口習唱非謠非曲長呼號須臾漫空高兀兀
轉如轉轆滑如笏掩處難窺咫尺天卷時恰可惺忪月
寓庭老樹十數株屋檐嘉蔭承扶疎清風不費一錢買
暑氣能令三伏蘇寄言爾匠休索直我心自有水精域

他時解組歸田畊老農夜話松毛棚

賣花

豐臺芍藥賤如土狼籍泥塗不可數原田鹵莽種千枝
天遣花開富老圃東風一夜吹芳馨陵晨捆載挑入城
紫莧王瓜同壓擔花匠那識花娉婷因思造物太草草
位置名葩亦顛倒南人愛花花不香北人賤花花偏好
中書省裏翻階時繡幕金幃爭護持託根失所難自惜
上天風露寧有私買將香豔供吟榻作詩懺花花不答
人間萬事盡如花誰登綺席誰泥沙

浴象

象奴收象如收豕騎背巍巍聽指使錦羈立仗備朝儀

暇日飯芻夏屋裏宣武城河新漲高老象要刷麤皮毛
炎天牽出內之浴屹如山立揚洪濤彎環歛飲風雨疾
玉齒了義疑淬鐵牡升牝降波爲渾翻身壓倒鼉鼉窟
爬羅剔抉光晶瑩掀天而起四柱撐日斜暴向柳陰畔
撞鼻忽爲雷鼓鳴靚妝衽服縱觀者傍水樓窗盡妖冶
目迷舌咋南土人認作負圖之龍馬

廟市

東西二廟 皇城中三七下九百貨充祗林一霎變闐
闐觀者鞍馬如游龍日中交易各得所貴自珠璣賤柜
妝良窳蚩眩襍沸騰汝曹何異搬薑鼠衣包開網列布
幘百金之錦千金裘幾人高立唱估直男披女服聲咿

憂舞鱷弄盆作遊戲都向廣場來獻技腐儒屏立盱且
哈若使鬻文遭唾棄布金買地頃刻閒席卷而去如雲
煙清淨趨佛利趨賈夜半須防龍象怒

冰盞

六街市兒負販微搖鈴考鼓呼嗶齊殘宵平旦倍聒耳
或似呖語或勃谿祝融炎威張火繖行人流汗衣如澣
前衢後巷絕無聲獨聽錚錚鳴響盞非宮非商何自鳴
不費涕唾知賣冰冰湯滌暑夏蘇渴石髓瓊漿無此清
梅子仁兼蓮子薏苡藥玫瑰香脈脈調和而進色味殊
泔椀水精養虎魄夢餘午睡聞冲冲不覺雨腋生清風
義御迴鞭到寅餞響盞一時等團扇

煤黑子

不忤不伋獨業煤刻箱爲矩雙木胎搏沙合土響閣閣
東方未明羅滿階黝然而黑黥其面素衣化緇墨食練
幾令毛髮不辨人門庭藩溷皆塗炭土音自操秦晉風
肩挑背負竈養同有時煤貴暗偷減三錢定價無欺蒙
采煤或自西山歸羊裘反衣長鞭麾堆兵望見喜動色
沿車求索供晨炊黑子黑子何太苦尚元守黑老塵土
質明車馬亂似梭城外低昂騎駱駝

火判官

試燈風裏火樹搖廟門夜點人魚膏彷彿郿塢然脂夕
氣酸燭天毛髮焦黑墳爲體塗以赭狀似泰山治鬼者

馬通石炭困其臀頂上放光眼出火荆磯越鬼事不經
閃閃爍爍流鶉星長人土伯果有靈何辜加以炮烙刑
魑顏凹凸良煤補血口如盆煙霧吐焦頭爛額但由人
死生枉向幽都主兒戲何如聚雪爲前身已是昆明灰
五更風雨颯然至又恐摧頽入溷廁

寄秋帆秦州

時畢方悼亡

商風欲翻柿葉時鰥鰥羈緒住仇池似舅果是何無忌
君爲張少儀 治獄何如雋不疑三館鶯花漫相憶五湖
觀察之甥 鷄黍空所期樓頭聽雨不可得
君官京師日 早晚寄我
居聽雨樓

秦州詩

喜聞官軍定緬紀事八首

聖朝草木亦知威下國共球遍九圍天馬羣徠同鵠順
旅獒底貢冉駹歸雲臺煙閣頻圖像朔雪炎風罷采薇
何事泮林鷦未革戛鳩江外尚戎衣

控撫全憑坐鎮臣綠章無那大言陳伏戎于莽原蠻觸
聲罪由天等笑顰默啜何難防戊己支祁不過守庚辰
可知蜂蠆能多毒螫手偏傷壯士身

獨當矢石殿全師傳說嫖姚撤陣時但使相機終埽穴
幾曾失律竟興尸虎牙頓道辜難追猿臂行軍數本奇
鐵馬金戈生氣在只餘鐘鼎溢銘詞

玉帳牙旗出上公勲高曾是闢蠶叢指南萬里魚逢
水逐北三軍虎嘯風辛苦線痕衫待綻蒼黃棋劫局須

終休言蒙舍山川險總在宵分 廟算中

密箐深厓徑未諳一陽生後瘴回嵐奇鷁傳翼頭偏九
狡兔逃蹄窟更三靖遠麓川皆惡境伏波浪泊只常談
却聞水陸新街外將士持糧搏戰酣

容易窮搜阿瓦城款關原可聽輸情戈橫鐵壁雷霆壯
旗閃金江日月明且緩樓蘭終對簿官教細柳漫屯兵
人懷敵愾猶思奮僕射真如我父兄

天街畢昴埽欃槍氛祲潛消我武揚孟獲終身馴葛亮
單于本意畏王商但收螳斧羈廣域不試盡沙瘴瘠鄉
控制懷柔皆 睿斷已看霜露遍遐荒

一經拱養走去聲聲先執挺前驅聲連青象讓纓充貢

物貝多裁葉寫降箋羣蠻涕淚觀 恩詔從古西南有
漏天服則赦之難則退忠良好在議安邊

歲暮書懷

竊祿何辭本分官消閒經籍費鉛丹讀書纔信童時易
忍事偏於醉後難衣上緇塵初服改鏡中青鬢幾年看
大椿歲已周花甲有子仍慙菽水歡

題尹公子

慶霖

侍衛雨林圖

道士揮豪勢卽離模糊筆底黑蛟垂恰當相國爲霖日
寫出郎君聽雨時淦淦寒雲圍疊嶂沈沈匹練挂疎枝
平原射獵歸來晚放下雕弓賦小詩

萬柳堂

畏吾廉孟子佳譙此停車無復眠腰柳空憐解語花王

孫猶寂寞詞客漫咨嗟觴詠今誰繼低徊執政家

益都馮文

穀公亦有萬柳堂集鴻博諸公禊詠者似非希憲舊蹟

同福欽文庶子秦芝軒侍講嵇晴軒沈闔峯秦

端厓福景堂諸編修各攜酒榼集瀛洲亭賞海

棠分體得五言長律

祕省承華蓋同人萃玉堂神仙都有宅翰墨詎無場塵

境天然隔韶光分外償從來誰管領數見轉尋常地本

三霄近才皆八斗強微之誇太陋點也咏難忘院靜如

山寺花深又海棠東皇宜紫詔西府報紅妝各有招要

興頻迴錦繡腸詩能衝

去聲

口出酒豈入肩傷饋食謀中

饋鄉肴擅異鄉咄嗟同鬪草攜取笑探囊味要侯鯖製

珍容禁鬱嘗出筐愁複疊下箸聽評量會合名蝴蝶

京師

士大夫遊襍各攜酒餞謂之蝴蝶會壺牒之訛也

池原集鳳皇共開亭四角宛

在水中中央面面輕紗拓絲絲弱柳妨龍噴看瀑布魚樂想濠梁穠矣嬋娟妥時哉嫵婉良真圍石步障疑對漢宮嬙列坐無賓主雄譚半老蒼源流搜掌故宗派辨文章志合膠投漆聲和瑟應簧輩仍先後序道以切偲臧直恐麤官妬休嫌小子狂句畱餘薄醉消受趁斜陽佳話流傳否新篇屬和怱春風能幾日續讌出門商

西苑退直歸途遊萬壽寺閣前白松七株奇秀

可愛出寺門迤東而步聽廣源閘水淙淙然亦

一勝也同遊者爲福欽文景堂秦漪園端厓吳
蓉堂諸子

乍下離宮直嶙嶙車轂從樹深禽語暗泥潤馬蹄鬆
寶刹祥名錫慈燈內苑供道紆頻叩策人倦忽聞鐘本
爲求邱壑非關禮象龍精藍廟貌儼飛白御書重驚
嶺三生石獅林五百峯一拳分夭矯具體得橫縱信步
穿幽洞擡頭見列松長風萬里至蒼雪百年封有蓋鬣
俱古不鱗皮更濃撼搖前殿震偃僂別枝恭天影澹相
與濤聲寒欲衝耳謀貪謾謾心定息憧憧出寺神猶王
沿堤興未慵波恬皴漲活色膩潑醅醲勢挾迴瀾利占
嫌過涉凶環橋當急瀉浸板束懸淙直是晶簾挂渾疑

瀑布逢玉泉來混混瓊島去溶溶飄灑霑微雨流連到
下春鞭絲颺士稚巾角墊林宗中路餘樓閣連朝趁蝶
蜂諸公才調富好爲紀遊蹤

敬承堂耆會謠爲李太守

宗袁

作座中百歲老

人則曹君錫也

吾聞紫微之垣弧南星應時而見主治平又聞仲弓往
造季和所太史上奏德星聚唐虞歌喜起降康罕其比
是時擊壤者純固享遐祉

熙朝斂福敷錫均氣麗典

茂風俗淳堯封禹甸多壽民京畿食德先

去聲

九垓沐日

浴月肌髓親一鄉齡耆得廿人曹翁齡滿百人瑞領耆

碩有詔旌門閭綽楔何奕奕梧州太守民之望寄家

小東村志 卷一
三
日下葵傾陽高年盛德萃其堂門生扶輿孫曾將耳聰
目明履考祥肩隨齒讓如雁行執醬洗爵禮有常商山
四皓香山九賢番番黃髮杖屨紛然神仙服食正如此
松喬偃佺徒浪傳方 今鶴算古稀有景祚延洪昊況
厚今年花甲慶

聖人明年 祝

文母羣老者晉嵩嶽爲芝觴斟瀛海爲春酒齊戒扶鳩
再拜稽首曰臣君錫等二十有一人共年一千八百歲
敢伏 闕下來獻億萬無疆壽

悅親樓詩集卷四終

甥葉紹本校字